


書名 例案全集三十五卷  
卷 康熙六十一年序思敬堂刊本  
撰者 清 張光月 輯  
卷 卷二十二  
內容分類 史 政書 法令

# 卷二十二



例案全集卷之一

名例

五刑

索書號 大木-法類-例案-4  
編號 B3850500

[彩色首頁](#)

[柳號](#)  
[東洋文化研究所漢籍目錄](#) 編號: B3850500  
[東洋文化研究所漢籍目錄所藏漢籍善本文影像資料庫](#) 索書號: 大木-法類-例案-4  
[漢籍善本文影像資料庫](#) 例案全集三十五卷 康熙六十一年序思敬堂刊本  
版權所有: [東京大學](#) [東洋文化研究所](#)  
[使用上的注意事項](#)

柳號兩個月者與流罪同

柳號零十五日

一凡旗人犯罪俱依律杖責外其犯徒罪一年者柳號二十日一年  
半者十五日二年者一個月二年半者三十五日三年者四十日  
若犯徒罪二千里者柳號一個月二十日二千五百里者一個月二  
千里者兩個月軍罪柳號三個月雜犯死罪准徒五年者

旗人徒流折柳號

現行則例

名例



山陰張光月我山甫編輯  
會稽孫象參升辰甫校訂

例案全集

卷之一

名例

一


思敬堂

0 1 2 3 4 5 6 7 8 9 2

東洋  
研究所  
圖書







例案全集卷二十二

人命目錄

**謀殺人**

謀財殺命事後分贓成案 一

謀命得財案內為從之犯不得財者仍照本律

謀殺無陰謀詭計比案 二

**謀殺制使及本管長官**

**謀殺祖父母父母**


謀殺總麻尊長照凡人加功改案



聽從父叔主使致死尊長者減等 三  
報父仇而謀殺叔減等 四

殺死姦夫

同姓尊長殺死姦夫姦婦成案  
家主捉姦擅殺姦夫 五  
因妻有姦致殺成案 六  
殺姦婦不殺家主成案  
因姦母而殺死成案  
因妹有姦追殺姦夫比案 七  
殺死通姦繼母改案 八



因姦毆死小功兄改案 九  
捉姦殺死大功兄  
強姦服孀被殺改案 十二  
姦婦入官成案  
因姦謀殺親夫案內有主謀者另擬斬罪  
使妻為娼被姦夫謀殺成案 十三  
賣姦殺死本夫  
雞姦殺死小功服弟 十四  
截死強逼雞姦 十五

謀殺改夫及妻

殺一家三人

殺一家非死罪五人成案  
殺一家非死罪五人部改光棍成案 十六

生折罰人

造管無辜殺人

關毆及故殺人

另戶滿洲殺死一樣滿洲 十七

故殺越二日身死成案 十八

關毆各死一人准抵成案 十九

關毆因別故死者減等


因救母毆死人成案 二十

助毆之人自盡准其抵命比案

同謀共毆王使下手之人並擬絞罪 二十一

共毆人必傷痕輕重相等方以最後下手擬抵 二十二

解勸之人毆傷致命不照同謀共毆人科斷改案 二十三





屏去人服食

戲殺誤殺過失殺傷人

戲殺減等

誤殺大功兄 二十四

醉後毆殺大功兄

誤毆大功兄改案

醉後誤殺期親尊長成案 二十五

誤傷孀母致死改案

瘋病殺人

妻殺夫因瘋病免罪 二十六

假瘋殺人併親隣看守

捕役誤殺旁人 二十七

過失殺收贖併刪供成案

無心致死比照過失殺收贖

結扭跌傷身死照過失殺收贖仍問不應 二十八

一家人不追埋葬銀兩成案 二十九

夫毆死有罪妻妾

妻自抹未死而夫又行加抹



殺子孫及奴婢圖賴人

弓箭傷人

車馬殺傷人

庸醫殺傷人

窩弓殺傷人

威逼人致死

衙役威逼人命罪浮于律 三十

衙役詐贓逼人致死

調姦耻辱自盡 三十一

不報威逼人命 三十二

尊長為人殺私和

私和人命併婦人犯罪坐夫男成案

承審命案混詳請息 三十三

命案徇情准息成案

輕釋命案 三十四

同例

例案全集卷二十二

刑例

人命

謀殺人

謀財殺命事後分贓成案

刑部覆廣撫江

疏譚武元等謀死勞良驂等一案臣部以賴天錫

縣供有同謀字樣若果同謀而又分贓不便照律擬流該撫既稱賴

天錫病在船尾並未同謀下手事後分與金銀恐害而受等語賴天

錫合依分贓而不行仍以謀殺論不加功僉妻杖流康熙三十三年

閏五月奉

旨依議

謀命得財案內為從之犯不得財者仍照本律



刑部爲謀殺父命事會看得徐長方保三謀死許明徵一案據江寧巡撫于準審擬斬絞杖罪具題前來查徐長方保三係僱與明徵家搖舡工作緣明徵與寡婦蔣氏從前通奸往來康熙四十四年五月二十日明徵令徐長索逋徐長夜宿蔣氏家內與氏苟合明徵知覺聲言欲將徐長處死徐長慮受其害遂萌殺机先因方保三爲偷竊銀兩致明徵啣恨二人商謀殺害明徵于九月十七日明徵宿于氏家徐長探知令方保三操舟預伏唐家橋長往氏家叩門假稱許關總巡舡上等候哄誘明徵挈衣而出同至橋邊方保三先用木段狠擊明徵腦後仆地徐長執斧砍明徵左耳根等處槌碎腎囊立時殞命伊等將石塊縛于明徵屍上拋棄湖內徐長將明徵衣服二件次日當錢使用該撫歷審各認情真據此徐長合依謀殺人得財律應斬立決方保三合依謀殺人從而加功不分贓律應擬絞監候秋後處

決蔣氏合依軍民人等與相等人妻通奸例應枷號一個月責四十六板等因康熙四十六年六月初七日奉

旨徐長着卽處斬方保三依擬應絞着監候秋後處決餘依議

### 謀殺無陰謀詭計比案

刑部據江撫郎廷極疏王子直自幼失怙所遺田產爲王仁度掌管子直謂仁度欺吞控告而仁度屢次毆辱子直挾仇僱鍾公任等各持扁担子直執持烏鎗至仁度門首大呼已名自言報仇打放烏鎗傷及仁度左脇今仁度傷已平復將王子直改擬決絞具題查子直糾集二十餘人夜抵仁度之門輒放烏鎗謀殺之處顯然王子直合依謀殺總麻以上尊長已傷者絞律應擬絞立決鍾公任等合依從而不加功律杖一百徒三年吳家子等依知人謀害他人不卽首告杖一百但鍾公任等事在



赦前均免罪又議得按律有陰謀詭計曰謀據王子直供稱王仁度統人執械將伊擒至劉坊村河邊要挖瞎眼睛因此要報復打他並沒有謀殺他的主意等語則王子直雖統領多人寔係同謀共毆而非謀殺明矣且口稱已各聲言報仇亦非陰謀詭計之比王仁度傷已平復查律文毆小功尊屬至折傷以上各遞加凡鬪傷一等罪止杖一百流三千里王子直放鎗打傷王仁度左脇雖經平復比照亦傷應杖一百流三千里康熙四十四年八月奉

旨着畫一具奏

謀殺祖父母父母

謀殺總麻尊長照凡人加功改案

刑部議江撫宋犖疏殷君正出首殷瑞華竊牛瑞華揚言欲行燒庄澳忿君正遂同殷章甫等擒瑞華并伊子殷六一執棍攢毆挖坑活埋

君正章甫俱係瑞華無服弟姪殷君正依謀殺人造意者律擬斬殷章甫依謀殺人加功者律擬絞殷能子殷君兆雖為從俱係瑞華總麻服姪合依謀殺總麻以上尊長皆斬立決奉

旨人命關係重大這案着再核擬具奏欽此覆看得殷君正寔為禍首仍照前擬斬殷章甫仍照前擬絞殷能子殷君兆雖係瑞華總麻服姪但係君正起意糾合同往殷能子殷君兆照謀殺人從而加功者絞監候律擬絞監候處決康熙三十一年十二月奉

旨依議

聽從父叔主使致死尊長者減等

刑部為蔑律私刑慘傷二命事會看得金文利等謀死金猷賜一案據江撫郎廷極疏稱金猷賜家貧乏資于四十九年二月二十六日夜偷族房金中袁家米雞等物次早中袁投同族眾搜獲贓物將金猷



賜交付伊叔金文利當有金猷齊喊令送官究處文利不依以向犯  
行竊坑累卽起意謀殺設立埋杆扯死伊妻余氏聞言跪求饒夫願  
以身代文利堅執不理致氏歸房自縊文利遂主使伊子猷尊仁姪  
猷純用樹作杆文利做繩套逼勒猷賜頭頸套中舉手先扯復令猷  
尊猷純帮扯以致猷賜殞命將金文利等擬以斬戍流杖具題前來  
查律內尊長謀殺卑幼依故殺法等語金文利係金猷賜親叔合依  
伯叔故殺姪者杖一百流二千里律應僉妻流二千里至配所杖一  
百折責四十板聽從伊叔金文利主使爲從之金猷純係猷賜大功  
服兄應照故殺大功服弟律擬絞金猷尊係猷賜大功服弟應炤謀  
殺總麻以上尊長律擬斬但子弟行竊致爲不肖且金猷純金猷尊  
與金猷賜素無仇恨因猷賜行竊聽從父叔主使致死猷賜若照律  
擬死情有可憫將金猷純金猷尊俱免死減等各僉妻發邊衛充軍

至配所杖一百折責四十板在旁不行勸阻之金猷齊等俱炤知人  
欲行謀害他人不卽阻當救護被害之後首告者杖一百折責四十  
板奉

旨依議

報父仇而謀殺叔減等

刑部等衙門爲稟報事會看得東撫佛倫題盧行爲報父仇殺死親叔  
盧猷甫一案該撫因未有律仍依謀殺期親尊長律凌遲具題前來  
查盧行之父盧廷甫與猷甫係異母同父之兄弟猷甫因爭家產將  
伊兄廷甫打死懼罪脫逃懸案未結迨後盧行年十五歲伊母病危  
囑令長大報仇盧行懷記在心因年幼未敢輕舉假與猷甫之子合  
夥生意于康熙廿九年七月初八日乘猷甫酒醉爲父報仇用刀戳  
死到官自行投首歷審當日見証供明情真查律內將兄姊故殺者



凌遲等語又律載祖父母父母爲人所殺而子孫不告官司擅殺行  
兇人者杖六十等語今已死之猷甫若不脫逃時乃殺兄應凌遲處  
死之犯且因爭家產將親兄打死是兄弟之義已絕叔侄名分已斷  
况盧行奉伊母臨終之命報仇殺叔其情甚爲可矜據此盧行照祖  
父母父母爲人所殺而子孫不告官司擅殺行兇人者杖六十律應  
杖六十可也康熙三十年六月奉

旨依議

禮部

同姓尊長殺死姦夫姦婦成案

刑部覆張繼祖毆死僧人鍾亮勒死蘇氏一案查律內本夫之兄弟及  
有服親屬皆許捉姦但卑幼不得殺尊長犯則依故殺律尊長殺卑  
幼照服制輕重科罪等語將張繼祖照服制按律擬絞但繼祖並非

私仇勒死蘇氏且繼祖又係應捉奸尊親因蘇氏與鍾亮行姦登時  
殺死情有可原應將張繼祖免死僉妻流三千里至配所折責四十  
板爲首之張繼祖既經減等爲從之張昭亦應減一等徒三年責四  
十板康熙三十三年四月奉

旨依議

家主捉姦擅殺姦夫

刑部爲出首事該臣等會同吏部會看得據廂黃旗覺羅瓦爾達佐領  
下六品典膳官花色供大成縣民孫光武租我房一間居住今年二  
月十五日午後我從該班處回家來見光武拴在馬棚柱上問其情  
由我家婦人滿珠向我說孫光武與蘇倫住通姦我看見叫博爾圖  
拏了拴在馬棚柱上如此告訴我忿怒拏鞭子將孫光武臂膊腰眼  
兩臂等處打了身死是寔等語滿珠博爾圖俱與花色供同各自行



招認驗看已死孫光武傷痕處臂膊後肋腰眼兩臂等處有木器傷等語查律內本夫拘執姦夫姦婦而毆殺者比照夜無故入人家已就拘執而擅殺至死律條科斷凡夜無故入人家已就拘執而擅殺者杖一百徒三年等語再律內婦人之父母伯叔姑兄姊外祖父母捕姦殺傷姦夫者與本夫同等語花色係蘇倫任家主與父母同花色應照本夫拘執姦夫姦婦而擅殺者律條科斷應革職照例折贖據蘇倫住供我原與孫光武通姦二月十五日我與孫光武通姦滿珠看見被獲是寔自行招認除孫光武已死不議外蘇倫住合依凡奴僕及無甲冑賤人通姦者律鞭一百滿珠博爾圖拴綁孫光武合依不應重律各應鞭八十滿珠係婦人照律收贖康熙四十六年五月奉

旨依議

因妻有姦致殺成案

刑部看得賈機之妻與來福行姦機因妻不與同宿又復詈罵持刀戮死自行招認查律登時姦所獲姦止殺姦婦或非姦所姦夫已去將姦婦逼供而殺俱依毆妻至死賈機應照前擬毆妻至死者律應擬絞監候又議得但來福口供與賈機妻三兒通姦二次是寔其賈機妻與來福通姦將伊丈夫詈罵不希罕因一時之怒刀戮伊妻身死情有可矜賈機應免死枷號二個月鞭一百康熙八年九月奉

旨依後議

殺姦婦不殺家主成案

康熙二十年

刑部據江撫鄭端咨稱王一殺死伊妻秀琴一案緣伊主夏維梁與秀琴通姦被王一于姦所撞遇于法不得殺主而殺秀琴不便以止殺姦婦科斷夏維梁應照律擬罪等因查律載妻妾與人通姦本夫于



姦所親獲姦夫姦婦登時殺死者勿論等語夏維梁係王一之正法不應殺其王一止殺伊妻之處毋庸議夏維梁合依凡姦家下有夫之婦笞四十折責十五板應知照該撫發落可也

因姦母而殺死成案

刑部復浙撫陳秉直看得周元林毆死賈希魁先經臣部以賈希魁欲行強姦周元林之母元林一時忿怒將希魁打死不便將周元林照依故殺律擬斬請

勅該撫確擬去後今據該撫具題查周元林因賈希魁到家拜節遂留飲酒歇宿希魁酒後欲強姦元林之母邵氏元林聞母聲喊一時氣忿持木棍石塊將賈希魁打死周元林合依凡姦夫已就拘執而毆殺引夜無故入人家已就拘執而擅殺至死者律應杖一百徒三年元壽在旁不行勸阻合依不應重律杖八十伊等犯在

赦前免罪奉

旨依議

因妹有姦追殺姦夫比案

刑部看得梁乃檀因捉姦毆死何昌胤先經東撫趙 擬斬具題臣

部查梁乃檀遇見親妹梁氏與伊夫姪孫何昌胤通姦愧憤隨將昌胤毆打越三日方死安得將毆死姦夫反重擬以故殺之律等因請

勅該撫確擬去後今據該撫疏稱梁乃檀因伊妹梁氏與何昌胤宣淫日久追至酒肆將昌胤毆死查律文姦夫已就拘執而毆殺或雖在姦所捉獲非登時而殺並須引夜無故入人家已就拘執而擅殺至死律應杖一百徒三年又律云姦夫奔走良久趕至中途追而殺之並依故殺今梁乃檀所犯寔與二律相符聽候部奪等因查梁乃檀因親妹梁氏與伊夫姪孫何昌胤宣淫日久被乃檀撞遇愧憤隨告知



梁氏之姑顧氏商議執姦昌胤聞風脫逃乃檀追至酒肆將昌胤毆打越三日殞命乃檀復聽梁氏之姑顧氏主使將梁氏勒死其梁乃檀係梁氏之胞兄查律內婦人之兄捕姦殺傷姦夫者與本夫同等語又律云姦夫已就拘執而毆殺或雖在姦所捉獲非登時而殺並須引夜無故入人家已就拘執而擅殺至死律杖一百徒三年等語梁氏與何昌胤通姦是寔梁乃檀原引故殺之律不合梁乃檀合改依姦夫已就拘執而毆殺或雖在姦所捉獲非登時而殺並須引夜無故入人家已就拘執而擅殺至死律杖一百徒三年應杖一百徒三年何光堯潘弘勲在旁不行勸阻俱合依不應重律其顧氏主使梁乃檀勒死梁氏之處應議罪但顧氏係梁氏親姑且年又逾八十毋庸議其各犯事在

赦前均免罪至于承問此案各官將梁乃檀依故殺律擬斬不合應查議但亦在

赦前母容議康熙十五年二月奉旨依議

### 殺死通姦繼母改案

刑部看得據常保供我父于本年正月染病卧着三月二十三日我去看我父親時我繼母在別的房內坐着我父見了我哭着說你繼母金氏與王和尚通姦並不照管我我欲要殺因身病不能殺你若念父養你之恩替我殺了出我之恨如此說了于本月初二日夜王和尚同我繼母在小屋裏睡着我乘他門睡着看機會至三更時越牆進去點了燈細看見二人在一處赤身抱睡我用斧砍死到坐堆子的步兵處告訴將我拿獲是寔據常保之父二哥供我妻金氏與王和尚行姦我因染病動不得不能殺令子常保殺死是寔等語據已



死王和尚之母高氏妻趙氏供王和尚與二哥之妻金氏通姦一年有餘屢次勸讓不聽我們言語致身被殺等語常保雖承父命因姦殺死金氏王和尚但查殺姦律內卑幼不得殺尊長犯則依故殺伯叔母姑兄姊律科等語律內並無知妻與他人通姦令子殺死免罪之條今常保以子因姦殺繼母金氏仍應照律凌遲處死 又一議得常保殺死繼母金氏應照律凌遲處死但查律文內凡共犯罪者以先造意一人爲首若一家人共犯止坐尊長又律內凡妻妾與人通姦而本夫于姦所親獲姦夫姦婦登時殺死勿論等語律文內並無有知妻與他人通姦令子殺死之條金氏與王和尚通姦被伊夫二哥看見數次身欲殺害因染病不能動叫伊子常保殺時常保聽伊父之言將伊繼母金氏同王和尚赤身睡在一處殺死相應將常保免罪康熙二十一年五月奉

旨金氏與王和尚通姦常保從伊父之言將金氏王和尚殺死情有可原前擬凌遲不符着畫一議奏

因姦毆死小功兄改案

刑部爲真正人命事會看得孫元文毆死小功服兄孫元寧一案據江寧巡撫宋犖審擬斬罪具題前來查孫元寧弟孫元文之妻劉氏姿美元寧乘元文外出入室強姦劉氏不允元寧又持刀逼姦劉氏喊叫元文之父孫晉太聽見前去奪刀控縣元寧畏罪脫逃于康熙四十年正月十六元文撞遇元寧兩相爭扭元文卽取木屐毆元寧胸膺後肋越宿殞命該撫歷審自認情真先依律擬斬立決復又議得孫元文毆死小功服兄一案臣等伏查宋史刑法志宣州葉元有同居兄亂其妻縊殺之又殺兄子強其父與嫂罷訟隣里發其事州爲上請宋神宗曰罪人已死叛亂之事特出葉元之口不足以定罪且



下民無知固宜哀矜然以妻子之愛既罔其父又殺其兄戕其姪宜以毆其兄致死律論今孫元文情罪畧同但元寧乘元文外出強姦弟婦不遂復持刀以徃元文之父及同族人等奪刀控縣貯庫元寧畏罪脫逃姦亂有據非出自元文之口也且葉元既殺其兄又罔其父殺其姪亦已太甚孫元文毆死元寧服制雖曰小功而元寧持刀強姦弟婦兄弟之義已絕况倉卒撞遇兩相爭扭止以木屐擊傷致死原無欲殺之心臣等愚昧未敢定議伏祈

皇上特賜睿裁康熙四十年十一月二十四日奉

旨孫元文改爲應斬着監候秋後處決

捉姦殺死大功兄

刑部爲投明事該本部會同院寺會看得蔣天行因姦致死大功兄蔣漢行并妻吳氏一案據江寧巡撫吳存禮疏稱蔣天行之妻吳氏與

蔣漢行通姦康熙五十六年十月初三日夜漢行乘天行在外傭工往與吳氏姦宿值天行歸取蒲鞋叩門不應肩開進內目覩漢行與妻同寢一時忿激隨持杵柄毆漢行滾跌在地卽以拳擊吳氏適漢行大功兄蔣城大路過天行訴知情由城大喚其敗倫傷化亦用扁担毆漢行耳根等處并拳毆吳氏額角天行忿猶未釋復令城大相幫將漢行吳氏縛住拋入河中以致漢行吳氏立時殞命歷審情真將蔣天行擬以斬決具題前來查律內妻妾與人通姦而本夫于姦所親獲姦夫姦婦登時殺死者勿論姦夫已就拘執而毆殺或雖在姦所捉獲非登時而殺並須引夜無故入人家已就拘執而擅殺律但卑幼不得殺尊長犯則依故殺伯叔母姑兄姊律科罪等語今蔣天行目覩漢行與妻同寢既經縛住應拏送官擅行細拋入河致斃蔣天行合依毆大功兄死者斬律應擬斬立決脫逃之蔣城大獲日



另結再該撫疏稱康熙四十年間有孫元文因小功服兄孫元寧持刀強姦伊妻劉氏劉氏不允元寧惧罪脫逃後孫元文途遇孫元寧毆打致斃之案部覆將孫元文擬斬立決具題奉

旨孫元文改爲應斬監候秋后處決欽遵在案今蔣天行于姦所親獲姦夫淫婦較之孫元文途遇毆斃之案情更可矜相應題明聽部酌議等語查康熙四十年八月內原任江寧巡撫宋學題孫元文因小功服兄孫元寧強姦伊妻劉氏元文路遇元寧毆斃一案將孫元文照律擬斬立決具題奉

旨改爲監候係法外之仁並非著爲定例遵行應將該撫所請之處毋庸議 又議得查律內凡妻妾與人通姦而本夫于姦所親獲姦夫姦婦登時殺死者勿論又條例內本夫拘執姦夫姦婦而毆殺者比照夜無故入人家已就拘執而擅殺至死律條科斷已就拘執而擅

殺傷者減開殺傷罪二等至死者杖一百徒三年等語又律內本夫之兄弟及有服親屬或同居人或應捕人皆許捉姦其婦人父母伯叔姑兄姊外祖父母捕姦殺傷姦夫者與本夫同但卑幼不得殺尊長犯則依故殺科罪等語此謂親屬捉姦與本夫不同其本夫在姦所拏獲律內並無殺死尊長與故殺罪科斷等語蔣漢行姦宿大功弟婦吳氏敗倫傷化兄弟之義已絕該撫不依本夫拘執律例科斷反照親屬捉姦卑幼不得殺尊長律擬斬立決又援引四十年間孫元文因小功服兄孫元寧欲行強姦伊妻劉氏後元文途遇孫元寧毆斃照故殺律擬斬立決奉

旨改斬監候之案聽部酌議具題不合查孫元寧強姦劉氏並未成姦且遲至日久途遇毆斃並非姦所捉獲毆斃與此案情罪不符事關人命應令該撫再行確擬具題到日再議等因奉



旨着畫一議奏欽此臣部等衙門以事閑定議條例應會同九卿詹事科道定議等因摺奏奉

旨依議欽此該本部會同九卿詹事科道會議得查律內凡妻妾與人通姦而本夫于姦所親獲姦夫姦婦登時殺死者勿論已就拘執而擅殺者減開殺罪二等至死者杖一百徒三年又本夫之兄弟及有服親屬或同居人或應捕人皆許捉姦其婦人之父母伯叔姑兄弟外祖父母捕姦殺傷姦夫者亦與本夫同但卑幼不得殺尊長犯則依故殺伯叔母姑兄弟律科斷等語本夫捉姦律內雖無卑幼不得殺尊長殺者亦勿論之語但蔣天行明知係伊大功兄蔣漢行不送官治罪擅行細縛拋河致斃應將蔣天行改爲擬斬監候秋后處決餘仍照刑部原議可也康熙六十年七月十三日奉旨蔣天行依擬應斬着監候秋後處決餘依議

強姦服孀被殺改案

刑部議東撫

題查律內故殺者斬監候等語王玉清將王德新

故殺應照律治罪但玉清之母辛氏係德新從堂孀母辛氏孀居德新強拉行姦氏堅不從嚷罵玉清趕集撞遇德新殺死卽赴縣報首雖律無可寬而其欲爲孀母表節自行投首情有可矜王玉清應改爲免死減等杖流但玉清發遣則其母無人養膳應枷號兩個月責四三板留養康熙二十六年奉

旨依議

姦婦入官成案

刑部准偏撫王樑咨陳侯度無服族弟陳帝選與伊妻譚氏通姦帝選乘侯度他出與譚氏同枕侯度歸家聞帝選在室一時忿激持刀將帝選于姦所亂砍仆地伊父陳景星聞喊扶歸殞命譚氏脫逃未及



同刃陳侯度應照律勿論譚氏擬杖入官爲奴等因查律內凡妻妾與人通姦而本夫于姦所親獲姦夫姦婦登時殺死者勿論若止殺姦夫者姦婦斷罪入官爲奴等語陳侯度應無容議譚氏合依姦同宗無服之親者律杖一百解部入官爲奴陳景星諱姦爲仇應照律擬罪但伊子已經被殺身死應免罪康熙三十二年八月奉旨知道了

因姦謀殺親夫案內有主謀者另擬斬罪

刑部爲身死不明事三法司會覆江撫宋犖題前事查杜啟明向與婦李氏有姦後啟明見王秀之妻湯氏少艾又與湯氏姦好湯氏恐伊夫王秀知覺與啟明李氏商謀李氏首倡弄死之言啟明湯氏遂蓄殺害之心于康熙三十二年六月十三日夜乘王秀醉卧湯氏喚啟明到家啟明腳踏王秀之胸手抓腎囊湯氏捺頸持剪刺喉致秀

登時畢命啟明賄求地隣希圖滅跡給朱培銀五錢旋經朱培首報到官該撫歷審各認情真湯氏合依凡妻因姦同謀殺死親夫者凌遲處死律應卽凌遲處死杜啟明合依姦夫處斬監候律應擬斬監候秋後處決李氏合依謀殺人造意者斬監候律應擬斬監候秋後處決甲長李君祿已知殺害情由不行首告合依凡知人謀害他人被害之後不首告者杖一百律應杖一百銀兩入官等因康熙三十四年五月十四日奉

旨湯氏着卽凌遲處死杜啟明李氏俱依擬應斬着監候秋後處決餘依議

此案驗屍止有顙門恐痛傷上下牙脫落牙骨淡紅色係腎囊受傷之故詳奉撫院駁查腎傷在下何以透及頂心牙骨有無成案可稽復訊作作供稱係祖傳檢驗成書凡腎囊受傷疼痛難忍將牙齒敲着故牙落血凝在骨裡奔往頂心

使妻爲娼被姦夫謀殺成案

刑部議江撫宋犖疏高大挈妻施氏飄流爲娼王榮祿貼銀與氏姦宿



後囊空被大毆逐榮祿憤恨令陳加勝喚大看戲飲酒下毒高大殞命王榮祿依謀殺人律擬斬陳加勝依不應重杖高大使妻爲娼與凡姦不同榮祿謀殺高大施氏審不知情應免議康熙三十六年六月奉

旨依議

賣姦致死本夫

刑部爲因姦哄醉打死子命事直撫于成龍題李明秋打死郝士友一案查郝士友因本村被水淹沒携妻孫氏就食于明秋之村明秋爲之賃房居住士友利其所有乃將孫氏許與行姦嗣因明秋囊乏見棄于士友後明秋邀士友共飲欲修舊好士友醉後詈罵明秋頓生殺機推士友于濠內持磚立時打死將李明秋依故殺律斬孫氏係士友縱容通姦依縱容妻妾與人通姦姦夫姦婦各杖九十律擬杖

折責康熙二十九年九月十一日奉

旨李明秋依擬應斬着監候秋後處決餘依議

鷄姦殺死小功服弟

刑部爲遵報殺死人命事會看得直撫李光地疏稱鄭可久先曾將鄭二小誘騙鷄姦後可久復欲鷄姦二小不從于康熙四十年八月十八日晚可久帶刀誑二小看戲誘至僻徑逼要行姦二小喊拒可久卽用刀將二小殺死挿刀穀堆而回次早囑工人何榮藏刀于穀車帶回可久之父鄭永芳問知不首反賄囑訟棍李行先寫狀唆屍親鄭允恭誣告鄭和芳殺死二小又使和芳之父鄭養還兄鄭勳芳并族人鄭桂芳等出首公舉又鄭可久與鄭錫印同鄭勳芳之妻張氏粧點血衣永芳令可久別取假刀付李行先轉使張氏首刀血衣永芳又令鄭錫印賄買禁卒劉旺全等斃害和芳旺全等持銀出首張



氏供出假刀來歷刑書張文煥嚇詐可久銀四十兩貢生屈文祥過付歷審情真再該撫疏稱鄭允恭年七十四歲止生二小一子被鄭可久亂倫姦殺致允恭絕嗣且串謀嫁禍堂叔復賄買禁卒欲斃獄滅口淫惡滔天查四十一年五月內景州人犯張五因謀家產將六歲親弟小和尚慘殺于律法止應絞罪經臣敘明情節以故殺擬絞具題嗣經部覆奉

旨改照謀殺人因而得財律擬斬立決今可久因姦殺弟與張五謀產殺弟情罪無異但故殺小功卑幼律止擬絞等語將鄭可久等擬以絞流徒杖具題前來應將鄭可久擬斬立決鄭永芳合依教唆人誣告卑幼死罪者大功減所誣罪二等律徒三年至配所杖一百折責四十板鄭勳芳合依誣告卑幼死罪者期親減所誣罪三等律徒二年半至配所杖九十折責三十五板鄭錫印合依謀殺總麻尊長已行為從律徒三年至配所杖一百折責四十板李行先合依教唆詞訟誣告人死罪者律僉妻流三千里至配所杖一百折責四十板張文煥合依衙門蠹役嚇詐十兩以上例并妻子安插奉天地方居住被鄭永芳誘遞公呈之鄭桂芳鄭傑鄭進與藏匿兇刀之何榮合依不應重律杖八十各折責三十板張氏雖捏造血衣出首假刀但伊夫鄭勳芳已經擬罪應免議鄭永恭同妻沈氏係永芳主使妄告伊子被殺與老邁之鄭養還俱從寬免議鄭和芳鄭連成等審係無干母容議脫逃之屈文祥獲日另結張文煥李行先所得贓銀照追入官等因康熙四十一年二月初八日奉

旨鄭可久着卽處斬餘依議

戮死強逼姦姦

刑部等衙門爲地方人命事覆江撫洪之傑題前事該臣等看得黃大



年未弱冠于康熙廿八年六月初十日黃昏時分路遇蘭大畧拔所帶小刀強逼鷄姦黃大畧勢允從大畧收刀入鞘隻手脫褲黃大畧聞奪刀滾地亂戳蘭大畧肚腹等處傷重越日殞命該撫歷審自認情真黃大因蘭大畧強逼鷄姦戳死黃大應比照罪人犯應死之罪而擅殺律擬杖可也康熙二十七年十一月奉

旨依議

**殺一家三人**

殺一家非死罪五人成案

刑部覆浙撫金鉉疏查陳邵窺洪爾文之妻史氏姿艾乘爾文外出陳邵卽入史氏臥室強逼行姦嗔氏不從用繩扎死氏有子四人一同手斃其命陳邵依殺一家非死罪三人者凌遲處死財產斷付死者之家妻子流三千里律應卽凌遲處死陳邵並無妻子財產止樓房

旨依議

間半給付洪爾文史氏旌表之處交禮部議康熙二十七年四月奉

殺一家非死罪五人部改光棍成案

刑部爲欽奉

上諭事該臣等會看得陽爾先等溺死唐一品等五命一案先據偏撫潘宗洛疏稱陽爾先與陽作先等欲保團地陽爾先倡前會團投鐔訪賊傳帖約會五十年二月十九日夜郭青雲家被竊失穀爾先卽會集衆人脫王爾臣雨靴一隻懸于樹上令衆各書賊名投入靴內拆視俱唐鼎明父子翁婿積賊字樣爾先卽糾衆圍住鼎明之家搜獲所失穀石擒獲唐一品兄弟四人溺死又追獲周爾明至落刀塘山後擒獲網縛溺死將爾先等擬以磔斬絞流具題臣部等衙門以原告唐一位旣稱周顯召等商謀周顯召亦稱同到唐一品家之處自



年未弱冠于康熙廿八年六月初十日黃昏時分路遇藺大畧拔所帶小刀強逼鷄姦黃大畏勢允從大畧收刀入鞘隻手脫褲黃大乘間奪刀滾地亂戳藺大畧肚腹等處傷重越日殞命該撫歷審自認情真黃大因藺大畧強逼鷄姦戳死黃大應比照罪人犯應死之罪而擅殺律擬杖可也康熙二十七年十一月奉

旨依議

殺一家三人

殺一家非死罪五人成案

刑部覆浙撫金鉉疏查陳邵窺洪爾文之妻史氏姿艾乘爾文外出陳邵卽入史氏臥室強逼行姦嗔氏不從用繩扎死氏有子四人一同手斃其命陳邵依殺一家非死罪三人者凌遲處死財產斷付死者之家妻子流三千里律應卽凌遲處死陳邵並無妻子財產止樓房

間半給付洪爾文史氏旌表之處交禮部議康熙二十七年四月奉

旨依議

殺一家非死罪五人部改光棍成案

刑部爲欽奉

上諭事該臣等會看得陽爾先等溺死唐一品等五命一案先據偏撫潘宗洛疏稱陽爾先與陽作先等欲保團地陽爾先倡前會團投鐔訪賊傳帖約會五十年二月十九日夜郭青雲家被竊失穀爾先卽會集衆人脫王爾臣雨靴一隻懸于樹上令衆各書賊名投入靴內拆視俱唐鼎明父子翁婿積賊字樣爾先卽糾衆圍住鼎明之家搜獲所失穀石擒獲唐一品兄弟四人溺死又追獲周爾明至落刀塘山後擒獲網縛溺死將爾先等擬以磔斬絞流具題臣部等衙門以原告唐一位旣稱周顯召等商謀周顯召亦稱同到唐一品家之處自



行承認恐有故出故入情弊行令該撫再行嚴審定擬去後續據該撫仍炤原擬具題本部以原告唐一位忽稱病故而現在之屍父唐鼎明並未取供顯有滅口情弊應差各部院賢能官員前往會審定擬等因具摺啟奏奉

旨派出監察御史花善吏部郎中額爾得黑前去審理今據監察御史花善等疏稱審據陽爾先供我們倡首會團約二月二十日會于苦株山邊二月十九日夜郭青雲家被竊失穀我們即會眾脫王爾臣靴令眾各書賊名投入靴內拆視俱唐鼎明父子翁婿積賊字樣我們即糾眾圍住鼎明之家搜獲所失穀石令郭青雲等擒獲唐一品等兄弟四人溺死次日追尋周爾明至落刀塘山後陳君瑞在山下耕田我喊叫拿陳君瑞等遂將周爾明拿獲溺死是寔我係愚民因地方常有偷牛穀等物的事我一時無知欲保固地方訪賊起見邀眾而行今我有何辯處等語審據趙文卿陳君瑞陽茂先俱與陽爾先供同各自行招認將陽爾先等仍照原擬具題前來查陽爾先會團持所投罈內書唐鼎明父子翁婿積賊字樣者甚多而郭青雲家被竊穀石又從一品家搜出唐一品素非良善貽害地方可知陽爾先會團訪賊將唐一品等溺死合改依光棍例應斬立決為從下手之趙聚眾擅將唐一品等溺死合改依光棍例應斬立決為從下手之趙文卿陳君瑞陽茂先合改依光棍為從例擬絞監候秋後處決羅君璽等應炤謀殺人從而不加功者律杖一百流三千里但羅君璽等事犯在康熙五十二年三月十八日

恩赦以前應免罪再御史花善疏稱唐一位于府審後在家病故唐鼎明脫逃未獲取具印其各結應無容議康熙五十二年十月奉旨陽爾先着即處斬趙文卿陳君瑞陽茂先俱依擬應絞着監候秋後處



決餘依議

聞殿及故殺人

另戶滿洲殺死一樣滿洲

刑部爲人命事該臣等會看得荊州正黃旂海遜佐領下披甲色爾庫  
戮死伊本佐領下披甲達爾虎代一案先據荊州將軍達爾占等咨  
稱據色爾庫供四十六年九月二十六日在送殯處達爾虎代掘我  
父母詈罵我一時忿怒將達爾虎代戮死原並無仇隙等語臣部以  
色爾庫達爾虎代或係開檔之披甲或係另戶滿洲披甲之處未曾  
聲明行令該將軍查明咨送去後旋據該將軍以達爾虎代色爾庫  
俱係另戶真正滿洲披甲等因臣部等衙門將色爾庫應炤關毆殺  
人律擬絞查定例內凡旂下另戶滿洲殺死一樣滿洲該旂具題完  
結等語應令該將軍炤例具題完結等因具題奉

旨這案累經部駁該將軍但稱在送殯處戮死等語並未聲明係何處人  
爲何人送殯緣由含糊咨部殊屬不合着該將軍再行詳審炤新例定  
議完結具奏欽遵咨行在案今據該將軍詳稱據色爾庫供我們同佐  
領下披甲李保母親的殯到北門關廂交接處達爾虎代掘我父母  
詈罵我一時忿怒將達爾虎代戮死是真原並無仇隙自行招認色  
爾庫三十七歲寧古塔地方人色爾庫將一樣滿洲達爾虎代戮死  
應炤例立決等因具題前來據此色爾庫應炤該將軍所題擬斬立  
決又該將軍疏稱臣原任正藍旂付都統時有護軍鄂爾多爲打死  
伊嫂曾經審奏請

旨曾將鄂爾多擬斬立決明知有此新例將色爾庫戮死達爾虎代之案  
不炤新例具題其色爾庫係何處人爲何人送殯之處並未聲明含  
糊咨部皆臣等庸愚所致將臣等交與該部議罪等語查將軍達爾



占等將部裡具題駁回事情理應查明情由報部色爾庫係何處人爲何人送殯之處並未聲明含糊咨部殊屬不合爲此情由應將將軍達爾占付都統額倫忒各降一級罰俸一年將色爾庫平時不嚴行管教以致殺死一樣滿洲之該管官揆什庫族長應令該將軍查叅到日再議康熙四十七年五月奉

旨色爾庫着炤新刻卽行正法達爾占額倫忒着各降一級罰俸一年餘依議

故殺越二日身死成案

刑部看得浙撫陳秉直疏田君錫懷讐毆死陳我生查田君錫因金沈氏告伊索詐銀米以陳我生作証隨懷恨陳我生爲金沈氏作証之讐見我生經過其門遂糾田敬春各持木棍當街共毆君錫口稱打死一命填一命致我生越二日畢命歷審情真田君錫合依故殺者

斬律應擬斬監候田敬春合依共毆人執持鎗刀等兇器亦有致命

傷痕者律發邊衛充軍田振侯在旁不行勸阻依餘人律杖一百康

熙十六年四月奉

旨田君錫依擬應斬着監候秋後處決餘依議

鬪毆各死一人准抵成案

刑部覆東撫佛倫題趙名亨向蓋之經索取糧米口角之經歸告伊父蓋藹率黨持刀名亨亦告訴伊侄孫趙墀邀同族衆各持棍槓格鬪趙墀棍毆蓋藹致命偏左蓋藹持刀砍傷趙墀致命頭顱趙斐然持棍毆蓋藹致命偏右之經見蓋藹重傷仆地持刀砍傷趙墀致命偏左致趙墀蓋藹二人殞命蓋之經趙斐然俱係殺人之犯理合照例擬絞但各爲其父姪而行今若將蓋之經趙斐然又擬死罪二姓死者以致四人旣一命已有一抵應將蓋之經趙斐然俱免死照其毆



人執持兇器亦有致命傷痕者發邊衛充軍律應僉妻發邊衛充軍  
康熙三十年七月奉

旨依議

鬪毆因別故死者減等

刑部爲欽奉

恩赦事該本部會同吏部會議得康熙五十七年十二月十七日欽奉  
恩赦內開毆打受傷至保辜限外身死者部內奏明緣由兩行請

旨其有當時不曾殞命越數日或因傷風而死或因他病而死將毆打之  
人議抵情屬可矜除執持兇器毆有致命重傷或金刃連戳數處者仍  
照例議抵外如原毆傷輕不致于死後因傷風而死或因他病而死者  
將毆打之人免其議抵償照例減等發落如有毆傷致死而捏報傷風  
他病死者將承審官及按察使該督撫作何分別嚴加議處之處一并  
議奏欽此其原毆傷輕不至于死因傷風而死因他病而死將毆打之

人免其擬抵炤例減等完結如係毆傷致死而捏報傷風身死因他  
病死者承問府州縣等官及司道督撫俱應議處查承問失出例內  
應擬斬絞人犯錯擬軍流等罪者府州縣官降一級調用司道罰俸  
一年督撫罰俸六個月等語應將毆傷致死捏報傷風他病者炤此  
定例處分俟

命下之日通行順天府奉天府直隸各省總督將軍遵行可也等因康熙  
五十七年十二月二十二日奉

旨依議

因救母毆死人成案

刑部題查鄭來貢身充催頭侵用鄭雄糧銀未償雄母王氏向來貢索  
討來貢毆打雄聞母聲喊救情急持棍毆傷來貢肩甲等處殞命鄭



雄應照律立斬但鄭雄一時救母情切毆傷並非有意情有可憫鄭  
雄應免死減等僉妻流三千里仍追埋葬銀二十兩給付死者之家  
康熙三十八年正月奉

旨依議

助毆之人自盡准其抵命比案

刑部看得鄭德星等毆死鄭邦棟據晉撫土克著等審擬戍杖減等具  
題查鄭德星與無服族叔鄭璽因爭塲基璽同子鄭邦棟赴縣告理  
德星知覺輒同伊父鄭嶺兄鄭德威持棍趕打致邦棟受傷殞命鄭  
德星合依凡同謀共毆人因而致死者以致命傷為重下手者絞律  
應擬絞監候但助毆之鄭德威已經畏罪縊死查律內凡審共毆下  
手擬絞人犯果于未結之前遇有原謀助毆重傷之人監斃在獄與  
解審中途因而病故者准其抵命等語今助毆之鄭德威懼罪縊死  
應照此例准其抵償鄭德星應不准熱審減等杖一百并妻發邊衛  
充軍鄭嶺持棍助毆合依共毆之人執持兇器亦有致命傷痕者發  
邊衛充軍律應杖一百并妻發邊衛充軍遇熱審減等徒三年鄭德  
即依餘人律杖一百熱審減等杖九十折責三十五板康熙十八年  
九月奉

旨依議

同謀共毆主使下手之人並擬絞罪

刑部會議得劉芳升等打死張六一案查律內開共毆人因而致死者  
以致命傷為重下手者絞監候等語劉芳升楊大喜兒各拏木棍扁  
担夤夜將張六亂打致命傷痕十五處雖不分先後輕重但劉芳升  
係開舖掌櫃之人率同楊大喜兒毆打張六斃命應將劉芳升照律  
擬絞監候秋後處決徐彩官雖係後到但伊係開舖之主不行喝禁



反令毆打以致劉芳升等兇勢愈張將張六毆打斃命徐彩官併幫助劉芳升毒打張六之楊大喜兒俱係兇惡之徒均應照兇惡光棍好聞惡徒發烏喇例各兇妻發伊蘭哈喇與披甲之人爲奴餘仍照原議 該臣趙申喬又議得查律開同謀共毆人因而致死者以致命傷爲重下手者絞則非下手有致命傷者不得擬絞也又律開共毆人皆有致命以最後下手重者當其重罪如亂毆不知先後輕重者須以元謀爲首餘人爲從則亂毆之人不知孰後孰重者不得執一人擬絞也今刑部前議稱何人毆打何處何人後毆有重傷之處因係夤夜難以分辨劉芳升爲亂毆之人旣不能定其有致命傷又不能定其爲最後下手自難坐以抵償應照刑部前議楊大喜兒之例兇妻發邊衛充軍至配所折責四十板又律開以威力主使人毆打而致死傷者並以主使之入爲首下手之人爲從論減一等今刑部議稱徐彩官向劉芳升說你們不打他我們這舖子怎麼開得隨將劉芳升推了一掌又楊大供徐彩官向我們說你們打他幾下與他滾營去劉芳升楊大喜兒遂將張六擡到後院內楊大喜兒拿木棍劉芳升拿扁担將張六亂打致死則徐彩官寔爲主使之入且劉芳升等旣係亂毆不知先後輕重應照律以元謀爲首徐彩官相應依律絞抵餘仍照刑部前議康熙五十五年七月二十九日奉旨刑部人命事件朕靡不一一詳察似此同謀共毆人因而致死者亦有以指使之入擬罪亦有以動手之人擬罪若欲爭勝事必偏倚九卿兩議前屢有諭旨此案兩議皆畧有是處劉芳升徐彩官俱應絞監候秋後處決秋審時不必減等餘依議

共毆人傷皆致命必傷痕輕重相等方以最後下手擬抵成案

刑部爲活殺男命事該本部會看得何連生等毆死張文興一案先據



江寧巡撫于準將何連生擬絞俞喜等擬以流杖具題臣部等衙門以俞喜先毆文興右乳傷痕量長一寸三分連生復毆文興左肋傷痕量長一寸二分兩人所毆之傷均屬致命而俞喜係元謀將連生擬絞與律不符駁令該撫再行詳審定擬具題到日再議去後今據該撫疏稱俞喜先毆文興右乳何連生復毆文興左肋兩傷均屬致命而肋上尤爲虛怯正與同謀共毆人傷皆致命以最後下手重者當其重罪之律相符等因將何連生等仍照原擬具題前來據此何連生合依共毆人因而致死者以致命傷爲重最後下手傷重者絞監候律應擬絞監候秋後處決俞喜合依元謀律僉妻流三千里至配所折責四十板費壽合依餘人律杖一百折責四十板等因康熙四十七年十月二十九日奉

旨何連生依擬應絞着監候秋後處決餘依議

解勸之人毆傷致命不照同謀共毆人科斷改案

刑部爲活殺男命事該本部會看得過四等毆死楊殿臣一案據江撫吳存禮審擬絞戍杖罪具題前來查過四與楊殿臣素無仇隙緣楊殿臣有田四畝在過四之父過叔載田旁叔載欲圖爲業捏稱係姪過春麻子祖業前往取贖殿臣不允其事已寢于康熙五十五年六月初二日過四挑灰經過殿臣田畔踏壞其稻殿臣詈罵辱及其父過四忿激用扁担毆傷殿臣手背殿臣將過四毆倒過四之表弟顧雲甫趕至解勸亦被殿臣毆打雲甫遂拾樹條毆殿臣耳根臂肋過四在地復起又持扁担擊其頂心偏右致殿臣傷重當日殞命該撫歷審各認情真除叔載取供後解審在寓病故不議外過四合依共毆人因而致死者以致命傷爲重律應擬絞監候秋後處決查顧雲甫係解勸之人被殿臣毆打情急遂拾樹條還毆不便炤執持兇器



亦有致命傷痕律發邊衛充軍應將顧雲甫改烙餘人律杖一百折責四十板康熙五十七年十月初六日奉

旨依議

戲殺悞殺過失殺傷人

戲殺減等

刑部看得端午兒供已死呂愷鐸彼此認識時常戲頑我把鞭子插在腰間進店與呂愷鐸互相戲頑我踢了他一脚呂愷鐸就拏住我我

們又互相戲撲呂愷鐸將我摔倒壓着我用力太過被帶的鞭杆子  
穿透呂愷鐸腮頰戳着咽喉身死等語端午兒合依凡戲而殺人者  
以聞殺論聞殺者絞監候秋後處決康熙四十二年十二月奉  
旨端午兒因相戲傷從寬免死照例減等發落餘依議  
誤殺大功兄

刑部爲驗典兄命事該臣等會議得浙撫張志棟題孫小龍擗死大功  
兄孫銀一案先經刑部等衙門將孫小龍擬斬立決具題奉

旨人命關係重大九卿詹事科道會議具奏欽此查孫小龍與同祖兄孫  
銀弟孫勝先和好小龍因艱窘不支欲將伊孀母戚氏撥種之田出  
典與人戚氏不允小龍疑勝先唆阻持鎗杆毆擊勝先之兄孫銀往  
救向前接奪龍鎗兩相爭扭誤戳孫銀之腹以致殞命查律內雖無  
誤殺大功兄寬免之條但小龍誤戳孫銀致死原無欲殺之心應將  
孫小龍改爲應斬監候秋後處決等因康熙四十一年三月初八日  
奉

旨孫小龍依擬應斬着監候秋後處決

醉後毆殺大功兄

刑部題爲打死人命事覆甘撫伊圖題前事先經臣部等議覆將周敬



虞擬以立斬馬大等擬杖等因具題奉

旨周敬虞原與周溥之子周允適聞毆且該撫又引過失殺傷人律着再議具奏欽此查周敬虞與周溥之子周允適以排水爭嚷周溥出而理論敬虞因沉醉無知擊一掌撞一頭以致周溥越六日殞命原非有意毆打且該撫親審又稱素無仇隙係過失殺等語周敬虞合依依過失殺傷人律收贖給付死者之家其護弟謊供之周義虞與在旁之馬大均無庸議可也康熙二十七年九月奉

旨依議

誤毆大功兄改案

刑部議劉玉節誤毆大功兄劉仁遠致死一案據江撫于准審擬斬罪具題經刑部等議覆奉

旨人命關係重大着九卿詹事科道會議具奏查劉玉節與伊堂兄劉仁

遠素無嫌怨玉節適仁遠嫡姪劉國瑚居坐不起輒加責罵後國瑚見玉節之父劉奮耀辯白爭論玉節護伊父執棍毆擊國瑚誤傷仁遠左眉殞命劉玉節合依聞毆而誤殺傍人者以聞殺論毆大功兄死者斬立決但係伊救父情迫劉玉節應改免死減等僉妻杖流追取埋葬銀二十兩給付死者之家康熙四十六年六月奉

旨依議

醉後誤殺期親尊長成案

刑部等議王國軒毆死伊兄國鼎一案查國軒誠飭伊姪王洪望國鼎亦訓其子洪望猶然相抗國軒拾柴毆望醉後暗中眼迷誤毆伊兄國鼎身死原無毆兄之心情有可原應免死減等僉妻流三千里至配所折責四十板追埋葬銀二十兩給付死者之家康熙二十九年三月奉



旨依議

悞傷孀母致死改案

刑部看得黃公從悞殺孀母曾氏一案臣部等將黃公從照律立斬具題奉

旨曾氏既係悞傷身死遽擬黃公從立決是否相合着再議具奏欽此查律內姪毆伯叔父母至死者斬等語並無悞殺作何治罪之條又律內凡聞毆而悞殺旁人者各以聞毆論等語故臣部等先擬黃公從以侄毆伯叔父母致死者律應斬立決但公從悞傷曾氏致死據此黃公從另改應斬監候秋後處決康熙三十六年九月奉

旨依議

瘋病殺人

現行則例

人命

一瘋病殺人者從犯人名下追取埋葬銀十二兩四錢二分給與死者

之家

妻殺夫因瘋病免罪

刑部為稟報事會議得張氏瘋病毆死伊夫劉淵一案據直撫沈朝聘將張氏照毆夫致死擬斬具題臣部等衙門議覆以律例內雖無妻因瘋病毆死丈夫擬罪之條凡人瘋病毆死人不論抵償者因瘋病無知之故妻雖毆死丈夫其瘋病無知所行俱係相同張氏瘋病有無見証虛寔之處行令該撫覆加詳審定擬具題到日再議去後今據該撫疏稱張氏瘋病因氣而得遇氣即發康熙三十五年二月初二日劉淵訓責其子張氏祖護向夫炒嚷即氣忿心迷毆打且從前燒燬衣服跑舞村庄有醫生趙月衡調治不痊可証及毆之後復欲持磚毆子有田主張龍章搶救然其瘋病時發時止則平日之見聞甚確但持磚亂毆寔因瘋病所致張氏應改照凡瘋病殺人證佐甚



明例免其抵償等因前來應將張氏改照瘋病殺人例免其抵償可也康熙三十六年四月奉

旨依議

假瘋殺人并親隣看守

刑部爲頒例尚有應酌等事會覆東撫錢珏題嗣後如果無瘋疾假粧瘋病殺人者審訊明白或謀殺或故殺或聞毆殺人者各依本律治罪如無瘋病殺人之人或有証佐之人謊稱真有瘋病者審無同謀受賄情弊照証佐不言寔情減罪人罪二等律治罪如有同謀受賄情弊各照本律治罪其殺人之人本無瘋病乃謊稱有瘋病之親屬亦照証佐不寔律治罪如真係瘋病無知殺人証佐甚明者仍照例追埋葬銀兩給與死者之家又如瘋病之人應令其父祖伯叔兄弟或子姪親屬之嫡者防守如無此等親屬令隣佑鄉約地方防守

如有疎縱以致殺人者照不應重律杖八十康熙二十八年四月十

五日奉

旨依議

捕役誤殺旁人 現行則例 人命

一凡捕役拿賊誤殺無干之人仍照過失殺人律於犯人名下追銀十二兩四錢二分給付死者之家

過失殺收贖并刪供成案

刑部等議江督邵穆布疏萬貴因安葬伊祖在坟萬庚等爭論萬遂將萬貴毆打萬貴掙脫撞跌萬祝元下溝遇石傷損後肋殞命萬遂因祝元沒有傷痕不能入萬貴之罪將祝元肋骨兩根打斷萬貴合依凡過失殺人者准鬪殺罪收贖律追埋葬銀十二兩四錢二分給付死者之家萬遂照凡毆總麻以上尊長死者斬若傷者減一等律杖



一百流三千里巡撫馬如龍以無侍養之人將萬遂照旗人例已經枷責萬遂應免其重科萬庚等不應重杖署按察使事贛南道劉蔭樞雖供奉巡撫駁回叫問萬貴鬪毆誤殺旁人擬絞罪曾稟過二次不依巡撫馬如龍駁令確審並不駁回府縣遞將萬貴改依絞罪不合查定例內大小衙門問刑官員改造口供故行出入者革職等語應將劉蔭樞照例革職查定例將軍流等罪擬斬絞者督撫降一級留任等語應將巡撫馬如龍降一級留任又按察使佟國勳詳建昌知府等並無刪改口供劉蔭樞不曾發府縣更改應將府縣官毋庸議康熙四十年七月奉

旨依議

無心致死比照過失殺收贖

刑部爲活殺弟命事該本部會同院寺會看得錢考致死金從雲一案

據江寧巡撫于准審擬絞罪具題前來查金從雲與兄金陸森將伊等蕩柴要銀六兩賣與錢考錢考止付銀二兩錢一千文因餘銀未楚從雲又將柴別售錢考訢知原中莊公發等莊公發欲與清理康熙四十四年八月初九日邀集從雲陸森錢考在于陳弘川家議還原得銀錢又令陸森加利一兩陸森不允與錢考相爭從雲在旁向前袒護其兄錢考用手一推致傷從雲右助仰跌戶檻復磕脊背以致傷重金從雲越十八日殞命該撫歷審自認情真據此錢考合依鬪毆殺人者絞監候律應擬絞監候秋後處決又議得錢考與金從雲素無嫌隙祇緣從雲之兄金陸森有蕩柴賣與錢考價值未清兩相理論時從雲在旁袒護錢考偶爾手推不意跌在門檻跌扣致傷右肋脊背越十八日殞命據此錢考情本理論原無鬪毆之事從雲死由誤跌並非毆打之傷正律註所云凡初無害人之意而偶致殺



傷人者皆准罪收贖錢考相應比依過失殺人者准聞殺罪依律收贖銀十二兩四錢二分給與營葬寔為相符伏候

睿裁等因康熙四十六年二月初九日奉

旨依後議

結扭跌傷身死照過失殺收贖仍問不應

刑部為活殺叔命事會看得方九一毆死何子章一案先據浙撫張泰交將方九一照聞毆殺人律擬絞監候具題刑部等衙門議覆比照罪人已就拘執而擅殺者杖一百徒三年律應徒三年至配所杖一百折責四十板候

旨定奪等因奉

旨九卿詹事科道會同核擬具奏欽此查何子章因欲強姦九一之母何氏九一告官將何子章枷責因此子章蓄恨後子章帶斧進山相遇

九一手無人處所頓起風忿用斧克斫九一一將扁挑抵禦格落其斧互相扭結滾跌礮下子章被石磕傷腎囊致命身死並非九一毆打傷痕身死方九一改比照過失殺人者准聞殺罪依律收贖給付被殺之家律向九一追取埋葬銀十二兩四錢二分付已死何子章之家但方九一有石毆傷子章手脚之處方九一仍照不應重杖律杖八十折責三十板釋放康熙四十三年奉

旨依議

一家人不追埋葬銀兩成案

刑部看得寧古塔將軍楊福咨稱李大砍死李二一案查李二要殺李大在屋內放火李大情急持斧要救出房內東西進去時撞見李二不知斧刃斧背相向一擊適中李二頭顱身死情有可矜應將李大免死減等係旗人枷號兩個月鞭一百李二李大俱係一家人埋葬



銀兩之處毋庸議康熙四十五年七月奉

旨依議

夫毆死有罪妻妾

妻自抹未死而夫又行加抹

刑部為報明事該臣等看得梁茂殺死伊妻洪氏一案據直撫趙弘燮疏稱訊據梁茂堅供伊妻自抹之時雖未氣絕已無生理不忍令其受痛又行加抹一刀將梁茂擬絞援

赦等因具題前來據此梁茂合依妻有他罪不死而夫擅殺應絞監候但事犯在康熙五十二年三月十八日

恩赦以前梁茂應免死減等流三千里至配所杖一百折責四十板康熙五十三年八月初七日奉

旨依議

威逼人致死

衙役威逼人命罪浮於律

刑部為泣究女命事會同吏部會看得同安縣知縣蔣沛差役徐斌逼

死民婦蘇氏一案據福撫李斯義審擬杖枷具題前來查同安縣知縣蔣沛差役徐斌往催葉義祭戶內未完丁糧徐斌同弟徐進于康

熙四十四年七月十八日向並不欠糧之葉愛家催糧致被葉愛毆打徐斌指傷倒卧徐進奔回聳母孫氏稟縣該縣蔣沛不親身往驗

輒委縣丞賈文郁往驗斌妻及斌兄徐順亦同往葉愛之家以致葉愛父子驚惶逃避徐斌等將葉愛之妻林氏媳蘇氏橫加凌虐復將

鷄豚之類罄食無餘蘇氏情急於二十四日投水殞命該撫歷審各認情真據此徐斌合依威逼人致死者杖一百律應杖一百但該撫

既稱徐斌罪浮于律再枷號一個月應將徐斌再枷號一個月責四



十板革役仍追埋葬銀十兩給付死者之家徐進徐順俱應照爲從減一等律應減一等杖九十折責三十五板再該撫疏稱同安縣知縣蔣沛庇護衙役混委縣丞驗傷復縱役逼死民婦又勒糧戶葉位混開葉愛欠糧湯職已甚相應指叅等語應將同安縣知縣蔣沛革職可也康熙四十五年七月奉

旨依議

衙役詐贓逼人致死

刑部爲羣棍逞兇等事該臣等會同吏部議得貴撫陳詵疏稱黃之英妹夫李森與周一麟原係姻婭李森死後之英同森繼妻將甥女阿年許配區雲禧之子爲媳雲禧騙得李森田契一麟疑之英同謀遂將之英等控告普安縣票差龔正三卽王世爵王國柱閱移普安州添差吳希之于康熙四十五年五月初三日同往協拘希之先到卽

將之英鎖起正三國柱後到復肆逞威田以祚等保放及次日許銀二十四兩當交九兩龔正三得銀三兩王國柱得銀三兩吳希之得銀三兩方許之英往喚區雲禧一千人犯至初七日正三等復向之英索取後欠銀十五兩之英貧窶將氈條手帕併銀一兩送與正三等正三等見數不足擲地不受二卽鎖押起身之英受逼無措持刀自戕身死歷審各認情真將龔正三等擬以杖罪具題前來查王世爵頂名龔正三同王國柱吳希之各詐黃之英贓銀三兩索討餘銀復行鎖拏逼勒致死衙蠹不便止責四十板完結查並無衙役訛詐索取財物逼人致死之正例據此將王世爵等應比照奸徒串結衙門人役陷害良善詐騙財物者枷號兩個月各責四十板仍追葬銀十兩給付死者之家其私撥王世爵頂替龔正三名字執票提人之差頭劉天吉合依不應重律折責二十板均革役所勒詐銀兩烙數



給還原主田以祚等審係無干無庸議普安知州陳萬選等失察衙役詐贓應照例降二級調用嗣後凡衙役詐贓威逼人致死者炤此案治罪可也康熙四十六年二月二十八日奉

旨依議

調姦耻辱自盡

刑部爲報明地方事會看得閻士積因姦威逼致死孫秀姑一案據浙江巡撫張勳審擬斬杖具題前來查閻士積窺見楊鼎元養媳孫秀姑姿容端麗輒起淫心于康熙三十七年三月初八日借名取火抱持秀姑欲行強姦秀姑嚙傷士積之指方得脫身至六月十六日士積復見秀姑獨坐門傍從檻下捏足調誘以致喊鳴隣總公責士積遁茶與伊姑侯氏陪禮侯氏舉杯擲還誤中其党胡起龍臉上起龍糾同徐楚才等登侯氏之門詈罵士積嚇稱不姦不歇于是秀姑聞

設尋情極潛縫衣裙于十九日服溇身死該撫歷審各認情真閻士積

合依因姦威逼人致死者斬監候律應擬斬監候秋後處決胡起龍徐楚才徐明玉汪禹川金殿揚因詈罵侯氏俱合依不應重律杖八十各折責三十板及該撫疏稱孫秀姑以未笄之年凜冰霜之擦嚙士積之指拒姦縫衣自盡貞烈迥出尋常等語查婦女強姦不從以致身死者例應

旌表今孫秀姑身死與例相符相應咨行該撫給銀三十兩聽本家自行建坊可也等因康熙三十七年十月初七日奉

旨閻士積依擬應斬着監候秋後處決餘依議

不報威逼人命

吏部爲特參旗棍等事查武清縣知縣祖應世將監生王森威逼致死人命之處不行申報應將祖應世酌量降二級調用可也康熙二十



五年七月奉

旨依議

尊長爲人殺死和

私和人命并婦人犯罪坐夫男成案

刑部會看麗水縣革職知縣王汝楫貪酷案內一欵因徐震家被盜王汝楫差役錢相等緝盜錢相章茂安拿李發龍供有所盜掛裙在張德賓家錢相等隨往德賓家搜賍無獲執德賓之妻陳氏私刑榜拷甲長朱元茂勸解相爭錢相輒揮拳擊元茂左乳殞命錢相隨挽元茂之姊朱氏及生員鮑含章與屍母私和二欵錢相等安拿李發龍解縣在監病斃並非王汝楫刑拷致死等因錢相合依共毆人致死傷重者絞律應擬絞王汝楫合依官吏因公事干連平人在官無招誤禁致死者律杖八十章茂依將良民誣指爲盜律發邊衛充

軍朱氏應治罪但律內如婦人尊長與男夫卑幼同犯雖婦人爲首仍獨坐男夫等語朱氏之罪移坐伊子徐元屍兄朱德初徐元合依卑幼被殺而尊長私和者律杖七十徒一年半鮑含章依常人私和人命者律杖六十事在

赦前錢相免死減等杖流追銀四十兩給付死者之家誣拿李發龍致死應照律于錢相名下追財產一半斷付李發龍家屬養膳王汝楫等均免罪康熙四十三年五月奉

旨依議

承審命案混詳請息

吏部爲究填子命事會議得偏撫潘宗洛疏稱許月日等殺死李子相并傷朱天一身死一案先據永定衛詳報隨批飭澧州驗明審解去後茲據澧州驗明李子相身屍通報其朱天一身屍該州據屍母攔



檢混詳請息隨經批駁屢催未據審解其違例請息承審遲延澧州知州韓文煊不卽緝犯解審之永定衛守備張忠裔相應指叅等因前來應將韓文煊降一級調用張忠裔罰俸一年康熙五十一年四月二十六日奉

旨依議

命案徇情准息成案

吏部議直撫李光地題孫柴等打死孫光祿一案該撫雖稱此案因屍兄族長人等環懇攔詞該縣俯順輿情准其息結非敢匿報等語但人命發覺理應卽行詳明上司今該縣遽准和息及該府行查卽據寔詳明雖未匿報然亦不無徇情之處應將東明縣知縣周元熹照徇情例降二級調用加紀抵銷免調大名府知府謝淳已經詳揭並無情弊無庸議康熙四十二年正月奉

旨依議

輕釋命案

吏部爲打死父命事覆東撫桑格題前事議得東平州知州趙廷嘉將張璜毆死馮三用一案不察受賄情由據屍子攔詞審釋與隱匿人命有間應比照將斬絞人犯未經審出真情者降一級調用康熙三十三年四月奉

旨依議



聚眾

例案全集卷二十三

鬪毆目錄



無故打人 一

持刀鎗行兇

兇徒傷人搶財比案

聚眾行兇不報督撫 二

聚眾爭鬪令同城武職嚴拏治罪

佐領下兇惡棍徒 三

旗下家人等倚勢細打良民 四

衙役行兇本官不卽拏任炤狗庇例處分